

Arkiv: <arkivID><jplID> FA-C55
JournalpostID:
Sakshandsamar:
Dato: 07.10.2021

Saksframlegg

Saksnr.	Utval	Møtedato
065/21	Utval for oppvekst, kunnskap og kultur	09.11.2021

Tilskot til meirkostnader ved istandsetjing av nyare tids kulturminne 2021

Rådmannen sitt framlegg til vedtak:

Utval for oppvekst, kunnskap og kultur godkjenner følgjande fordeling av tilskot til meirkostnader ved istandsetjing av nyare tids kulturminne 2021:

Liv Unneland	Jordkjellar, gbnr. 137/14 Alver	15 000 kr.
Line Valle og Tore Andre Sines	Jordkjellar, gbnr. 153/2 Valle	10 000 kr.
Claus Sellevoll	Gardsveg til Lammaneset, 147/2 og 3, Sellevoll	10 000 kr.
Nordhordland veteranbåtlag	Restaurering av DS Oster	85 000 kr.
Elisabeth og Stein Otto Hole	Lemstove, gbnr 103/7 Fjellanger	40 000 kr.
Ole Johnny Olsen	Potetkjellar, gbnr 436/28 Sætre	30 000 kr.
Aina Isdal Haugland	Lemstove, gbnr 185/5 Isdal	10 000 kr.
Claus Sellevoll	Sjøveg/byvegen, gbnr 147/2 og 3	50 000 kr.
Sindre Langeseter	Løe, gbnr. 166/1 Kopperdal	50 000 kr.

Utval for oppvekst, kunnskap og kultur 09.11.2021:

Handsaming:

Rådmannen sitt framlegg vart samrøystes vedteke.

OKK- 065/21 Vedtak:

Utval for oppvekst, kunnskap og kultur godkjenner følgjande fordeling av tilskot til meirkostnader ved istandsetjing av nyare tids kulturminne 2021:

Liv Unneland	Jordkjellar, gbnr. 137/14 Alver	15 000 kr.
--------------	---------------------------------	------------

Line Valle og Tore Andre Sines	Jordkjellar, gbnr. 153/2 Valle	10 000 kr.
Claus Sellevoll	Gardsveg til Lammaneset, 147/2 og 3, Sellevoll	10 000 kr.
Nordhordland veteranbåtlag	Restaurering av DS Oster	85 000 kr.
Elisabeth og Stein Otto Hole	Lemstove, gbnr 103/7 Fjellanger	40 000 kr.
Ole Johnny Olsen	Potetkjellar, gbnr 436/28 Sætre	30 000 kr.
Aina Isdal Haugland	Lemstove, gbnr 185/5 Isdal	10 000 kr.
Claus Sellevoll	Sjøveg/byvegen, gbnr 147/2 og 3	50 000 kr.
Sindre Langeseter	Løe, gbnr. 166/1 Kopperdal	50 000 kr.

Politisk handsaming

Saka skal avgjerast i utval for oppvekst, kunnskap og kultur.

Bakgrunn

Kommunestyret i Alver kommune vedtok i møte 19. desember 2019 retningslinjer for kommunale tilskotsordningar til kultur, idrett og friluftsliv som omfattar fleire ulike tilskotsordningar innan kultur- og idrettsfeltet, og 16. september 2021 vedtok kommunestyret nye retningslinjer for kommunale tilskotsordningar til kultur, idrett og friluftsliv. Denne saka gjeld fordeling av midlar for ordninga *Tilskot til meirkostnader ved istandsetjing av nyare tids kulturminne*. Denne tilskotsordninga hadde søknadsfrist 1. september 2021 og vert difor vurderte etter retningslinjene som vart vedtatt i 2019.

Det er sett av 300 000 kroner til fordeling i denne søknadsrunden.

Saksopplysningar:

Retningslinjene for tilskotsordninga seier at den skal bidra til å ta vare på verdifulle og verneverdige bygningar, kulturmiljø og andre typar kulturminne i Alver kommune i privat eige. Kulturminne som er prioriterte i kulturminneplan og verneverdige kulturminne som ligg i omsynssone for kulturminne skal normalt prioriterast. Restaureringa skal skje i tråd med antikvariske prinsipp og i dialog med kulturminneansvarleg i Alver kommune.

Det kom inn ni søknader i denne søknadsrunden.

Vurdering av søknadene:

1. Jordkjellar, gbnr. 137/14 Alver

Liv Unneland søker om 15 000 kroner i tilskot til istandsetjing av ein jordkjellar på gbnr 137/14 Alver. Det er noko skade i det ytre murverket, som må demonterast og murast oppatt. I tillegg er det naudsynt å gå over overdekninga og supplera med jord og torv for å sikra at dekklaget er tjukt nok til å gje effektiv isolasjon. Totalkostaden på dette tiltaket er 60 000 kroner.

Jordkjellarar er eit kulturminne som er typisk for vårt område. I dag er dei nesten utan unntak ute av bruk, og mange av dei forfell og risikerer å gå tapt. Det finst mange ulike typar jordkjellarar, og i ulik storleik. Denne jordkjellaren på Alver er uvanleg stor og er ein såkalla krosskjellar; dvs at grunnplanet er krossforma. Innvendes er kjellaren kalka og er

framleis godt brukande til det føremålet den var bygd for.

Jordkjellaren ligg i området som har omsynssone H570_1 Den indre farleia i Kommunedelplan for Knarvik-Alversund med Alverstraumen 2019-2031.

Rådmannen gjer framlegg om at søkjar får 15 000 kroner i tilskot. Dette utgjer 25 % av totalkostnaden.

2. Jordkjellar, gbnr. 153/2 Valle

Line Valle og Tore Andre Sines søker om 20 000 kroner i tilskot til restaurering av jordkjellar på Valle. Tiltaket går ut på å laga ei ny dør og setja i stand inngangspartiet, fjerna vegetasjon og opprydding i og utanfor kjellaren. Totalkostaden for tiltaket er 40 000 kroner.

Jordkjellaren på Valle er nokså ulik jordkjellaren på Alver. Denne jordkjellaren er ein relativt liten og enkel jordkjellar, og kanskje meir representativ for dei mange jordkjellarane i vårt distrikt. Plasseringa tett mot vegen gjer at den vil vera svært synleg for forbipasserande når vegetasjonen kring jordkjellaren vert fjerna.

Bygningen er ikkje nemnd i kulturminneplanen for Lindås kommune, og den ligg heller ikkje i omsynssone for kulturminne.

Rådmannen gjer framlegg om at søkjar får kr 10 000 kroner i tilskot. Dette utgjer 25 % av totalkostaden.

3. Gardsveg til Lammaneset, 147/2 og 3, Sellevoll

Claus Sellevoll søker om 10 000 kroner i tilskot til restaurering av ein eldre gardsveg på Sellevoll. Det er særleg to punkt som må restaurerast – den eine staden på grunn av attgroing og utvasing og den andre på grunn av ei kistegrøft som er rasa saman. Totalkostnaden for tiltaket er 38 000 kroner.

Gardsvegen ligg i området som har omsynssone H570_1 Den indre farleia i Kommunedelplan for Knarvik-Alversund med Alverstraumen 2019-2031.

Rådmannen gjer framlegg om at søkjar får 10 000 kroner i tilskot til tiltaket. Dette utgjer om lag 26 % av totalkostnaden.

4. Restaurering av DS Oster

Nordhordland veteranbåtlag søker 85 000 kroner i tilskot til restaurering av skroget på DS Oster. Totalkostaden for tiltaket er 535 906 kroner.

DS Oster vart bygd i 1908 for å bryta vinterisolasjonen til Modalen kommune. Den gjekk i rute i våre farvatn heilt fram til 1964. Riksantikvaren har vurdert DS Oster til å vera verneverdig, og båten har også stor historisk verdi for heile nordhordlandsregionen.

Rådmannen rår til at Nordhordland veteranbåtlag får 85 000 kroner i tilskot til restaurering av DS Oster. Dette utgjer om lag 16 % av totalkostaden.

5. Lemstove, gbnr 103/7 Fjellanger

Elisabeth og Stein Otto Hole søker om 63 600 kroner i tilskot til restaurering av den gamle lemstova på gbnr 103/7 Fjellanger. Totalkostaden på prosjektet er 318 000 kroner.

Lemstova vart truleg sett opp i på 1860-talet i samband med utskiftinga av innmarka på Fjellanger. Lemstova er ein typisk representant for dene typen våningshus, som var den

vanlege i vårt distrikt. Bygget framstår som nokså autentisk utan større endringar i bygningsformen, med unntak av eit mindre tilbygg i aust. Det er også mogleg at taket er løfta, noko som var vanleg for å gjera lemmen meir føremålstenleg. Bygget har ein tørrmur i syd og i ein liten del av fasaden mot vest. Slike vernemurar er typisk for mange av dei eldre lemmstovene i området.

Bygget er ikkje nemnd i kulturminneplanen for Lindås kommune, ligg ikkje omsynssone for kulturminne og har ikkje noko formelt vern. Lemstover av denne typen var dominerande i heile vårt område, men i dag er svært mange rivne, bygd til eller ombygd i stor grad. Dette gjer at dei lemmstovene som står att og som i liten grad er endra har høg kulturminneverdi. Fylkeskonservatoren i Vestland fylkeskommune har også peika på at slike lemmstover er ein bygningstype som kommunane bør ta eit særleg ansvar for.

Rådmannen rår til at Elisabeth og Stein Otto Hole får eit tilskot på 40 000 kroner til tiltaket. Dette utgjer kring 13 % av totalkostaden.

6. Potetkjellar, gbnr 436/28 Sætre

Ole Johnny Olsen søker om 30 000 kroner i tilskot til restaurering av jordkjellar på gbnr 436/28 Sætre. Det er særleg muren kring inngangspartiet som har sprekkar og står i fare for å skli ut, og som må restaurerast. Totalkostaden på prosjektet er 150 000 kroner.

Bygget er ikkje nemnde konkret i kulturminneplanen for Radøy kommune, men alle sefak-registrerte bygg er plasserte i verneklasse C. Desse verneklassane er også tatt inn i føresegnene til kommuneplanen for Radøy.

Rådmannen rår til at Ole Johnny Olsen får 30 000 kroner til restaurering av potetkjellar på gbnr 436/28 Sætre. Dette utgjer kring 25 % av totalkostaden.

7. Lemstove, gbnr 185/5 Isdal

Aina Isdal Haugland søker om kroner 20 000 i tilskot til ny dør på lemmstova på Isdal. Totalkostaden på prosjektet er 90 000 kroner. Søklar fekk i 2020 24 000 kroner i tilskot frå denne ordninga til same tiltaket, men søker om ekstra tilskot då tiltaket har vist seg å verta dyrare enn venta.

Lemmstova på Isdal er ein av bygningane i klyngetunet på Isdal. Innmarka vart utskifta kring 1860, men grensene vart lagt slik at berre nokre få av husa måtte flyttast. Det gjer at husa fortsatt ligg samla. Denne og dei andre lemmstovene på Isdal er vedlikehaldne med omhug av eigarane, og mange av dei historiske kvalitetane i tunet er tekne vare på. Klyngetunet på Isdal har omsynssone H570 (bevaring av kulturmiljø) i kommuneplanen for Lindås. Klyngetunet er i tillegg vurdert til å ha regional kulturminneverdi.

Rådmannen rår til at søklar får 10 000 kroner i tilskot til prosjektet, i tillegg til tilskotet søklar fekk i 2020. Tilskotet utgjer då kring 38 % av totalkostnaden.

8. Sjøveg/byvegen, gbnr 147/2 og 3

Claus Sellevoll søker om 50 000 kroner i tilskot til restaurering og oppgradering av den gamle sjøveg/byvegen på Sellevoll. Totalkostaden på tiltaket er 212 475 kroner.

Gardsvegen ligg i området som har omsynssone H570_1 Den indre farleia i Kommunedelplan for Knarvik-Alversund med Alverstraumen 2019-2031.

Rådmannen rår til at Claus Sellevoll får 50 000 kroner i tilskot til prosjektet. Tilskotet utgjer då om lag 24 % av totalkostnaden.

9. Løe, gbnr. 166/1 Kopperdal

Sindre Langeseter søker om 100 000 kroner i tilskot til restaurering av grindverkslære på Kopperdal. Totalkostaden på prosjektet er 763 000 kroner.

Løa på Kopperdal er ei grindverkslære med veggjar for det meste av tørrmur – ein typisk representant for byggjeskikken i vårt område. Løa er bygd kring 1915. Bygget er ikkje omtalt i kulturminneplanen for Lindås og ligg heller ikkje i omsynssone for kulturminne.

Rådmannen gjer framlegg om at søkjar får 50 000 kroner i tilskot til tiltaket. Dette utgjer om lag 6,5 % av totalkostaden.

Vedlegg i saken:

31.10.2021	Søknad om tilskot til meirutgifter ved istandsetjing av nyare tids kulturminne	1633459
31.10.2021	Søknad om tilskot til meirkostnad ved istandsetjing av nyare tids kulturminne i privat eige	1633460
31.10.2021	S029-106-K592-2 Tilstandsrapport	1633465
31.10.2021	Nordhordland Veteranbåtlag Skuteside 2021 reparasjon rennestein	1633467
31.10.2021	Søknad om tilskot til meirkostnad ved istandsetjing av nyare tids kulturminne i privat eige - DS OSTER	1633469
31.10.2021	Søknad om tilskot til restaurering av sjøveg	1633471
31.10.2021	Søknad om tilskot til meirkostnader ved istandsetjing av nyare tids kulturminne i privat eige - gamal sjøveg på Sellevoll GBNR 147/2 og 147/3	1633472
01.11.2021	Retningslinjer for kommunale tilskotsordningar til kultur, idrett og friluftsliv 2019	1634196
31.10.2021	Søknad om tilskot til verna kulturminne - restaurering av lemstove på bruket Myra GBNR 103/7	1633473
31.10.2021	soknadsskjema-kulturminnevern_skjema	1633474
31.10.2021	Søknad kulturminnevern jordkjellar Valle	1633477
31.10.2021	Søknad om tilskot til meirkostnad ved istandsetjing av nyare tids kulturminne i privat eige (med vedlegg) - gbnr 137/14 Alver	1633478
31.10.2021	Fotodokumentasjon med merknader 1 (1)	1633479
02.11.2021	Jordkjellar i Alversund tilstand og tiltak (1) (1)	1633481
31.10.2021	Alversund jordkjellar (1)	1633482
02.11.2021	Tilstandsrapport Kopperdal	1634106
02.11.2021	Prosjektbeskrivelse av planlagt tiltak	1634107
01.11.2021	soknadsskjema-kulturminnevern_skjema	1634109